



UNIVERSITÄTS-  
BIBLIOTHEK  
PADERBORN

**Henrici Canisi[i] Noviomagi, Belgæ, Jn Academia  
Ingolstadiensi SS. Canonum Profess. Ordinarii & Primarii,  
Opera Quæ De Ivre Canonico Reliqvit**

**Canisius, Heinrich**

**Coloniae Agrippinae, 1662**

In Cap. primum.

---

[urn:nbn:de:hbz:466:1-62169](#)

item Mart. Navarr. conf. 1. de condition appos. Et ratio est, quia hujusmodi conditionem nullibi improbant canonica instituta, ut disertè loquitur textus in cap. Super eo. Unde ea minimè responda est. Et quamvis Covarr. ex eodem cap. Super eo coatorum conetur evocare, utjamantè dictum est, rectè tamen refellitur à Navarro d. conf. 1. dum hæc verba textus melius expendit. Nam interrogatus Urbanus III. utrum is, qui in matrimonium confessus, s'ipater ipsius assensum suum adhibuerit, compelli possit ad consummandum matrimonium? respondit his verbis: nisi voluntas patris postmodum intercedat, nequam cogendus est ad matrimonium contrahendum; scilicet perfectè per consummationem, ut ita responsio congruat interrogati. arz. l. Qualiter & quando 2. 4. sub fin. C. De fiduciis commiss. liberis. Quamvis & a hio sensu accipi possent verba ejusdem Capitis quod videlicet conditione hac pendente, s'ipater assensum suum adhibuerit, non cogatur filius ad matrimonium purè contrahendum.

Non obstat argumentum Covarr. quod matrimonium institutum sit ad mucuam cohabitationem & conjunctionem; ergo conditio adjici non potest matrimonio. Nam hæc consequentia falsa est: cum & emptio & venditio institutæ sint, ut res emptori quaeratur, & tamen certum est, emptionem & venditionem sub conditione contrahi posse, s' penit' insit De empti & vendit. Idem est Iudicium de aliis similibus contractibus, l. Obligationum ferè 43. D. De actionib. & obligat.

Neque argumentum valet ex d. l. Actus legitiimi, de emancipatione ad matrimonium; nam in emancipatione, alisque in d. l. Actus enumeratis, aliud receptum est, cum ibidem disertè exprimatur, quod tales actus diem vel conditionem non admittant, videlicet emancipatione, acceptatio, hereditatis aditio, servio optio, datio tutoris, qui mercè actus legitimi sunt, id est, à jure Civili in-

troducti. Secus est in matrimonio, quod non à jure civili sed à Deo institutum est, & postea apud omnes gentes usus frequentatum.

Relinquitur itaque, matrimonium sub conditione posse contrahi, quamvis ejus obligatio differatur in eventum conditionis; ut sit & in ceteris contractibus conditionalibus, qui conditione eveniente purificatur, l. Necessario 8. §. quod si pendente conditione D. Deperie. & commido rei vend. l. Quibalmum 9. & l. Factor 1. circa pr. vers. videamus D. Qui poteres in p. vide J. Sonem ad l. Si quis pro emporenum 311 cum segg. D. Deuscap. ubi latè docet, an hujusmodi conditio eveniens trahatur ad tempus celebrati contractus: Quod hic non libet persequi brevitas causâ.

Illud tantummodo adjecterim, quod pendente conditione, si alter vel uterque contractuum ad aliud matrimonium convolaverit, sustinebitur posterius matrimonium, etiam si conditio prioris matrimonii postea evenierit per text. in cap. unico §. fin. Desponsalib. in 6. inspectaratione ejusdem §. Loquimur autem in præsenti de conditione honesta, non turpi aut impossibili, de qua acturi sumus ad d. c. fin. hec eod sit.

Interdum conditionis verbo venit modus sive pacium, conventioni sive legato adjectum, veluti cum dicimus, rem emptam esse hac conditione, ut hoc vel illud praestetur, l. 2. C. Sine conju. vel reliquis fund. comparari non posse. & l. Aristoni 39. D. Mandatis vel legatum, relatum hac conditione, ut Maxiam in uxorem ducat, l. Titio centum 70. §. 1. D. De consit. & demonstrat. Atque hic modus minimè suspendit actum sive obligationem, sed ea pura & ethicæ est ab initio, & postea ad impletionem ejus agitur, l. & ibi Gloss. G. De iis qua sub modo legit. vel fiduciam reling. & d. l. Titius §. 1. Verum nos in proposito conditionem strictè & propriè accipimus, pro dilatatione scilicet in certum aliquem eventum, prout supra explicatum est.

### In Cap. primum.

#### S U M M A R I A.

1. Conditio adiecta matrimonio qua rejiciatur.
2. Rejicitur empli.
3. Conditio restringiva an uitiet contractum matrimonii.

**H**oc Cap. videtur hoc translatum ex Decreto Gratiani can. Quicunque xxxvii. queſt. 2. Sententia vero ejus hæc est, quod conditio adiecta desponsationi de præsenti, id est, matrimonio, rejicitur, & pura remansit desponsatio. Quæ sententia si simpliciter accipiatur de qualibet conditione, adversabitur, &c. Super.

1. Super eo §. Et c. fin. in pr. inf. hoc sit. & quæ paulò ante ad Rubr. hujus Tit. discerimus.
2. Ideoque Doctores nostri, ut hoc dissidium tollant, duplarem interpretationem ad hunc textum nostrum adserunt. ¶ Usq. ut exaudiatur de conditione turpi, ut pura si dictum sit: *Contra haec tecum matrimonium, si hominem occideris, si fureum feceris;* nam ha conditions, alia que similes, recessunt à contractu matrimonii, propter ejus favorem, & contractus matrimonii pro puro habetur, d e fin in fine, ubi de hoc latius, ita Glos. Innoc. Bartr. hic & communiter Dd teste Praepositio ad c. hoc n. 2, in pr.
3. Altera interpretatio est, ut intelligatur textus noster de conditione resolutiva contractus, sive, ut explicatiū dicam, de matrimonio puro, sed resolvendo sub conditione: veluti, contra hoc tecum matrimonium, & si non dederis centum, ha-

bearut matrimonium pro non contracto. Ita Vincet quoniam Buttius hic, & sequitur Cujac hic in Posthumo suo. Cujus haec ratio redditur, quod matrimonium semel contractum dissolvi non possit. Frustra igitur haec conditio resolutiva adiicitur matrimonio.

Verum hanc posteriorem interpretationem recte improbat Cardinalis relatus à Praeposito hic, qui indistinctè tenet, hujusmodi conditionem resolutivam vitiare contractum matrimonii, eō quod tendat contra substantiam matrimonii, quod in dissolubilitate contrahi debet, d e fin. inf ed. Non igitur haec posterior interpretatione textui nostro accommodari potest. Unde necessario consurgendum est ad priorem interpretationem, ut ita hic textus cum aliis textibus conveniat, c. Cum expeditat 29, in pr. De elect. lib. 6, q. un. C. De inoffic. dotibus.

### In Cap. De illis 3.

#### S U M M A R I A.

1. *Condition, si decem dederis, an obliget.*  
2. *Intellexus.* Si ita stipulatus 97, §. si tibi nupsero De V.O

**E**x hoc Cap. discimus, sponsalia de futuro etiam jurata contrahi posse sub hac conditione, si decem dederis; neque antea obligare, quam si decem data fuerint: quippe pendente conditione nulla est obligatio, sed ita demum nascitur, ubi evenerit conditio, & ex conditionali In suis De verbis obligat. & l Necessariò 8 §. quod si sub conditione D De perie & commodo res vendit. Cedere 213, vers. ubi sub conditione D. De verb signif. Quo fit, quod neque oriatur, conditione pendente, publica honestatis justitia ex conditionalibus, c. un §. fin. De sponsalib. lib. 6. Adit tamen textus noster, duobus modis recedi à conditione, vel per presentem consensum matrimoniale, vel per carnalem copulam subsequentem, ita quod ex hac carnali copula duplex effectus nascatur, videlicet, quod ex conditionalibus pura siant sponsalia, quæ & simul transfunduntur in matrimonium presumptum, de quo alibi egimus, ad s. Is qui fidem sup. De sponsalibus.

Cæterum huic conditioni, si decem dederis, obstatre videtur responsum Celsi Jurisconsulti in l. 5.

ita stipulatus fuerit 97, §. si tibi nupsero D. De verb. oblig. Si tibi nupsero, inquit Celsius, decem dare spondes? causa cognita deneganda actionem puto, nec raro probabilis causa hujus stipulationis est. Idem si vir à muliere eo modo non in datum stipulatus est. Hæc textus Ex quibus liquet, hujusmodi conditionem tamquam turpem improbat à jure, cum per eam venalia quodammodo reddantur matrimonia, contra bonos mores, l. 2, D. De donat inter virum & uxor. & sicut non valeret talis promissio constante matrimonio, l. 3. §. & si stipulanti D. d. tit. De donat inter virum & uxor. ita & si in id tempus promissio conseratur, l. Quod sponsa 4, C. De donat antenupt. Alciat. ad. d. §. si tibi nupsero.

Venit hæc non indistinctè accienda sunt, sed causa cognita, ut addit idem Celsius. Quid enim si ex honesta causa hujusmodi promissio fiat, veluti dotis nomine aut donationis propter nuptias, sive ob aliam causam justam, puta si mulier nobilis sit, vir vilis conditionis, vel è contraria, & idcirco stipuletur mulier in compensationem nobilitatis suæ, vel ex causa pacis stipulatio fiat: valenter enim hæc stipulatio, sicut tradunt Bartolus & Castrensis, ad d. §. si tibi nupsero. Non igitur hæc conditio, si decem dederis, statim rejicienda est, sed adhibenda cogitio judicis, utrum ex causa honesta vel in honesta facta fuisse.

met